



## KOMUNIKADO PA PRENSA

### EKLIPSE PARSIAL DI SOLO RIBA 21 DI OUGÙSTÙS

Riba djaluna, 21 di ougùstùs próksimo lo tin un ekipse di solo. Den kaso di un ekipse di solo, luna ta pasa entre di solo i planeta Tera. Ora ku tin un ekipse total di solo,

luna ta tapa solo kompletamente i ta ser mirá na solamente un parti di nos planeta. E parti total di e ekipse di djaluna awor lo ta visibel den un área ku lo pasa prinsipalmente over di Merka (U.S.A.). Na Kòrsou e ekipse aki lo ta visibel como un ekipse parsial.



*Na Boka Tabla tabatin bastante hende pa sigui e ekipse total di 26 di febrüari 1998.*


E último ekipse parsial di solo, ku tabata visibel na Kòrsou, a tuma lugá durante di atardi lat di 8 di aprel 2005. Promé ku eseí tabatin e ekipse di solo total inolvidabel dia 26 di febrüari 1998. Riba e dia ei, durante di dos pa

tres minüt a bira skur durante di tramèrdia riba nos isla i na e momentunan ei temperatura a baha un par di grado. E siguiente ekipse parsial di solo ku ta visibel na Kòrsou lo tuma lugá dia 14 di òktober 2023.



E mapa di Merka ta mustra un liña manera un faha, kaminda ku e ekipse lo ta total. E liña aki ta kuri for di parti nortwèst di Merka na estado Oregon den direkshon sùitost te

*E mapa aki ta mustra ruta di e totalitat di e ekipse di 26 di febrüari 1998.*



E totalitat di ekklipse di djaluna awor lo move di man robes ariba pa man drechi abou riba e mapa aki. finalmente riba estado South Carolina. Despues e área di totalitat di e ekklipse ta sigui su ruta over di Osean Atlántiko.

Na Kòrsou mes luna lo kuminsá tapa solo 2:21 P.M. i gradualmente lo sigui tapa solo mas tantu ainda te 3:40 P.M. Na e momentu ei 63% di solo lo ta kubrí dor di luna. Chèk e gráfiko athunto pa mira un simulashon di apariensia di solo na e momentu ei. Despues di eseí, luna lo sigui move bai i gradualmente mas i mas di solo lo bira visibel atrobe. Despues di 4:49 P.M. solo su apariensia lo ta normal atrobe.



E imágen aki di un simulashon ta indiká kon e kombinashon di solo i luna lo ser mirá for di Kòrsou djaluna awor, dia 21 di ougústùs.

Ta rekomendá tur hende pa no keda wak dirèkt den solo, ya ku eseí por kousa daño serio na wowo.

